

Alfu, die Suldoaten koamen oagerickt, irscht die Keenigsgr-nabiere aus Liegnitz mit Boater Guldschmidten oa der Spitze hernoach Artillerie aus Sprutte und Trachoner aus Lieben, die mit a gilben Kroagen. Wie die Artillerie koam, doa freite sich der ale Tischler-Ernst und o su Suhm, denn die beeden hoatten bei a Bumbern gestanden. De Fußantristen blieben ei dam Durse und's tauerte goar nie lange, doa hoatte a jeder Boaterlandsverteidiger sei Quartier. In assen hoatten se genung, denn doas kennt Ihr mer gleebe, ei dam Durse goabs nischte vun waigen schmoaler Kust, und doamoals woar die verpuchte Bluckoade no nie derfungen, und doas Milleitär kriggte die besten Hoappen. Noamittche, doa woar großer Dappell vur dar Schule und uff dar großen Wiese hingerm Hoasthufe. Doa koam o dar Herr Generaal eis Schluß zum Groafen. Dar freite sich, denn ar toat ju dan Generaal vu 1870 har kennen.

Gutt dam Dinge. Dabends woar eim Schlusse große Loafel. Hauken eim Boarke machte Meester Guldschmidt Musike, uff dar Durfstroaße stulzierten die Suldoaten mit a Madeln und uff dar Mauer im a Boark rim soaßen die kleenen Jungen und Madeln. Sustern doa durften se doas bei Leibe nie, oaber hinte doa drickte dar Gartner beede Dogen zu, de Suldoaten woaren aben eim Durse.

Su im a achte rim hierte de Musike haußen uff, de Musikanter gingen nei eis Schluß und toaten durte wetter bloafen und vum Kirchturme toat de Dabendglucke leuten. Doa wurd's haußen su pee a pee stille. Su hie und doa quietschte a Madel uff, wenn su a Suldoate, und ar hoatte se ei a Darm gekniffen, uder anne Kuh toat mit dar Kette klirrn. A Hundel toat belln, oaber beim Kobelt, eim Kratschen, doa ging's Euch goar lustig zu, doa soaßen de Unteroffziere mit a alen Betteroanen und loaberten vu a Suldoaten und toaten oastußen und Huchs prilln, denn de Betteroanen liffen sich weef der Teifel nie lumpen.

Daber nu toat dar Trumpeter bloafen: „Suldoaten sulln zu Bette giehn, nie su lang bei a Madeln stiehn, dar Hauptmoan hoat's gesoat!“ Vu a Rupperderfern koam o doas ale schiene Signaal, dar Zoapfenstreich, und vu a Büscheln und vu a Hiebeln runger koam doas Echo. Doa woars nu bale ganz stille eim Durse. D eim Schlusse ging e Lichtel noach dem andern aus, is woar Nacht.

Kee Listel rihrte sich, oam Himmel toaten de Sterndel finkeln, oals eb se und se freiten sich, doaf trug Woaffengeeteese oam Zoage ihe ei dar Nacht su tiefer Frieden ei Deutschland woar. Eim Boarke schrieg a Käuzel und a kleener Vogel piepste uff. Ar hoatte an blesen Traum vum Moarder, dar doas kleene Viechel hoaschen wullte. Dar Moarder guckte derweile aus senn Luche, doas ar ei dar großen Eeche oa dar Boarkmauer hoatte, und hurchte, eb doas Geteeese vum Guldschmidt nu a Ende hoaben täte und ar wieder ei an Hiehnerstoall stulzieren konnte, im sich wieder a moal oa Blutte soat zu saufen. Dam Faume beim Tischler-Ernst groammelt a Igel rim und toat sich a poar Engerlinge suchen uder a poar Schnecken, denn ar hoatte ganz laufigen Hunger. A goanzen Dabend konnte ar nie uff de Soid giehn, denn woas die verpuchten Suldoaten woaren, die troampelten o ieberoall rim. Ar hoatte biese Laune, und woas Seine woar, die knurrte ar oa. Die toat tickschen und suchte sich alleene ihre poar Wirmer.

Uff dar Durfstroaße koam dar ale Nachtwächter oagesucht, und wie ar oa sei Häufel koam, doas oa dar Boarkmauer oageläht woar, doa toat ar sich neisagen zu an kleenen Nicker, denn ar duchte, su lange ar doas Durf unger senner Fuchtel hoatte, doa hoatte ar no keenen eenzigen Mausehoaken derwischt. Nu, und groade hinte, wu su anne Wucht Suldoaten eim Durse woaren, sullte woas gemauft werden? Doas gleeht ju kee Fard. Dar ale Moarder, doas ticksche Schindluder, soaf groade hinger dar Kirche und toat ieberlähn, eb ar und ar sullte ei dam Paster senn Hiehnerstoall schleichen uder ei dam vum Kanter, doa ging's uff emoal: „Bumm!!!“ und no amoal: „Bumm!!!“

Dar Moarder flug vur Schreck uff a Puckel. „Nu doas wird ju immer schinner, nie amoal ei su anner Nacht hoatber senne Ruhe zum Stiahlen,“ und furt sauste ar, heem, suste nisch, ock

heem! Dar Igel, dar hoatte groade anne fette Maus ei dar Fresse, die toat ei de unraichte Kehle geroaten, su doas ar und ar mußte husten, — bale toat doas oarme Luder dersticken. Doas Käuzel toat vur Schreck vum Boome plumpfen und im sich gucken, su woas hoatte's weef Gott no nie gehiert. Doas koan duch nie dam Enkelsuhne vum Groafen senne kleene Pigtale sein?

Dar Nachtwächter flug aus senner Bude, oaber ar wuffte, woas sich gehieren toat und o, woas dar Schuß und o dar andere bedeuten täten. Ar woar duch nie imstufe Suldoate gewafen und stoand hinte no stroamm, wenn dar Herr Groaf und ar ging ei Unesurm ei de Kirche zum Sedanfeste. Ar woar ju o 1849 ei Driassen mit derbeine gewafen, wie se und se hoatten duch doas Tur bei dar Bricke geschuffen. Doas woar Aloarm! Dar ale Krippensaker hullte sich sei Hurn vier und toat nei pusten, wie nie gescheit, is woar, als eb ar und ar wullte a jingsten Zoag a wing frieher hoan. Dasse Teelen jaulten und bellten, de Hurnisten koamen raus und toaten bloafen: Tääh tääh tääh, tätäh, tätäh tätäh tätäh tätäh täääh! De Trummler machten an Spektakel, als eb de Koalbfelle und se toaten goar nischte meh kusten, kurz und gutt, is woar a Heidenlärm, dar Teifel woar lus!

Aus a Quartieren koamen de Suldoaten raus, moanche woaren no nie ganz oagezojn, und suchten de Soammelpläge. Ock gutt, doaf dar Mond a wing schien. De Uffziere koamen oagerannt und suchten de Moanschoasten, doas Menschengewimmel woar bale nimmeh schiene. Na, ich koan Euch sojn, su a Seloofe hoia ich weef dar Seier no nie gefahn.

Ei a Rupperderfern gings o lus, denn die hoatten doas Gesumse o gehiert und dar Spektakel eim Durse woar o nie vu Boappe. Dar Herr Generaal koam oagesucht, Reiter und Urdenanzen wurden ringesoit, vu a Rupperderfern koamen Reiter oageprescht, oaber kee Luder konnte sojn, woas nu eigentlich lus sein täte. De Kumpanien hoatten sich, su gutt doas ging, versoammelt, a wing gings no hie und har, oaber uff emoal doa hiß's: „Stillgestanden, doas Gewehr ieber!“ De Uffziere machten nu dam Generaal Meldung, und dar wullte nu goar zu garne wissen, woas lus is, su a neugieriger Moan. Ju, ju, ju woaren die hujen Herrn, egoal wullten se woas Neues wissen.

Wie ar nu goar nischte ersoahren konnte, meente ar: „Die Sache ist doch merkwürdig, die Geschütze stehen im anderen Dorfe, in A—dorf, aber geschossen wurde doch hier. Herr Oberst von B., morgen nach dem Einrücken erwarte ich von Ihnen eingehenden Bericht, ich bitte, die Angelegenheit vollkommen aufzuklären. Guten Abend, meine Herren.“ Doamit ging ar wieder ei doas Schluß. Die Uffziere und Suldoaten kruchen wieder ei de Betten, oaber ich gleebe, is wird wull no mancher vu dann Herrn eim Bette gelähn hoan und hoat geducht: „Verpucht no amoal, war hoat hie geschuffen, war woar doas Schindluder? Woas hoat doas zu bedeuten? Kanonen sein duch nie hie eim Durse, und wenn se, und se täten hie stiehn, se sein duch nie geloaden, die brauchen duch irscht a andern Zoag geloaden zu warden, wenn dar Feind und ar macht sich maufig. Daber ju anner alen Kanone is ooch weef der Kuckuck nie zu traun, die giehn o lus, wenn se goar nie geloaden sein, doas sein verpuchte Aster.“ A andern Tag woar nu egoal a Geschiffe und a Gebumse ei dar Drähe, doa wuffte dar Oberscht, woas doas zu bedeuten hoatte, oaber vu dann beeden Krachen ei dar irschten Nacht, doadervun konnte ar sich keen'n Bersch nie machen.

Nu koam dar letzte Zoag, oa dam dar Feind und ar sullte uffs Haupt geschlojn warden, ar hoatte senn Nischel schunt zurachte gerickt. Dar Oberscht hoatte laufige Laune und sei Abjetante oo, beede kunnten ei dar Nacht nie schloafen, se toaten träumen vu sitten komischen Sacken ohne blanke Kneppe und vu sitten komischen Helmen ohne Dablern vurne droa und ohne Spigen uben druff. Und egoal hierten se schiffen und die Kanonen hoatten se uff ihren Woampen liegen. Dar Herr Generaal soag die beeden Uffziere egoal asu komisch oa, und ar hoatte dan Oberscht nie groade vur anne leichte Uffgoabe gestellt, denn ar stand vur dam Uffricken zum Generaal. Nie amoal zum Uffen und zum Trinken hoatten dar Oberscht und dar Abjetante Lust, is woar bale nimmeh zum Aushalen.